





竹堂文類

卷八

德清縣城隍廟碑

重修法相寺碑

處士陳君墓表

徐孝子墓表

山東糧儲道宋公墓志銘

劉蓉峰墓志銘

杭州府同知席公墓志銘

贈奉直大夫周公墓

白

吳枚菴墓志銘

內閣學士錢公墓志銘

杭州府知府嚴公墓志銘

四川敘永同知周公墓志銘

浦江縣知縣岳君墓志銘

何元長墓志銘

周蓼疇墓志銘

俞太孺人墓志銘

湘鄉縣丞吳君墓志銘

徐石軒同知墓銘

十一郎壙志

葛尚虞哀詞

祭彭鏡瀾學士文

祭張耐菴太守文

祭楊荔裳方伯文

祭王惕甫博士文

祭封太翁文

祭征白蓮教陣亡將士文

選

德清縣城隍廟碑

易曰精氣為物游魂為變是故知鬼神之情狀則鬼神與人原始及終若循環之無端聖人固已言之矣但不知有天地以來先生人而後有鬼神耶抑先有鬼神而後生人耶聖人不言世之人亦不得而知也然古時厲山氏有子能殖百穀則祀以為稷共工氏有子能平水土則祀以為社可知生而明聖歿則為神斯事出自古聖人必其理如是而非誣也自秦漢以後罷侯置守分九州之地為郡縣歷代因之遂各設城隍之神載在祀典浙州府明成化間

祭五岳百神

祭山川

祭社稷

祭先農

祭先蠶

祭先師

祭先賢

祭先聖

西德化勞公餞來守是邦。其人其歿也。謂
遇將為斯郡城隍之神。州民因而祀之。至今二百年。
士庶奔走香火。表明人鑄石述異。植於廟中。讀之
者可考湖之屬德清縣。城隍廟在縣治之東。儒學之
左。故老相傳亦祀公為神。而無可徵信。嘉慶二十三
年。予長子同福權邑宰。予因至其地。邑中耆老請紀
其說於麗牲之石。予聞祭法云。有功德于民。則祀之。
當公守郡時。既有惠政及民。無不及旁邑者。崇德報
功之心。雖旁邑之人。猶之州民也。府既祀公為神。則
德清之祀公。奚不可者。或曰。斯廟也。宋紹興間已有。

之。彼時公尚未生。夫誰為之主。予曰。世間守令不受
替乎。神既為一方之主。冥冥中亦必有所黜陟。公之
先當亦有聰明正直而為神于茲土者。及明成化之
間。而受代也。又何疑焉。總之心之精神。謂之聖。合斯
邑億萬人之心。尸而祝之。則神之式憑於茲土也。固
宜無俟徵陰陽不測之說。以為信也。廟之興修者。屢
矣。載在邑乘。茲不具述。第述邑人所以祀勞公之故。
以告後人。

重修法相寺碑

緣西湖而行。南山深處。有石屋嶺。折而左。巖壑益深。其地有法相律寺。乃宗慧大師道場。師於唐景福元年。誕降於泉南民家。俗姓陳氏。生有異表。長耳垂肩。棄俗出家。清修梵行。衆呼為長耳和尚。至後唐同光二年。結茆此山。栖心禪定。道俗皈依。如水奔壑。錢氏有國。崇信大乘。永明禪師。當時尊宿。王問師。今世有異人也。無師曰。長耳和尚。是定光佛出世。王聞斯語。趨謁瞻禮。和尚曰。永明饒舌。即跏趺而逝。王因建斯寺。而為供養。初名長耳院。中祥符九年。改去。

相寺咸寧間又追贈宗珪之號今肉身尚
蹟屢著明時有平陽徐翁祈嗣於寺生子曰節官為
郡守徵文述異刊石寺中厥後士女禱祝其應若響
世歷元明山門頽廢萬曆三十五年邑令聶君心湯
經營修復
本朝康熙五十三年殿燬于火不日仍新迄今又將
百年矣嘉慶十五年寺僧某等因舊謀新營建繕葺
塗茨丹雘次第訖工乃索鄙言紀其歲月論者謂風
輪旋轉法界遷流定光古佛在莊嚴劫早證聖果是
何因緣忽游五濁世界吾謂諸佛法身皆有二種義

一真實身一權應身真實云者至極之體妙絕拘累
不可以方處期不可以形量限清淨正覺湛然常存
權應云者和光六道同塵萬類修短應物生滅隨時
形由感生體非實有若宗慧大師之出世也殆所云
佛之權應身非耶夫至道無名而非名不顯至人無
相而非相不傳佛與衆生同游覺海分則億兆合則
一體有感斯應若鼓遇桴理有固然其無足怪僧等
紹隆正法導引羣生建此不可思議功德豈非祖庭
之幸歟不有所述何以垂後爰紀顛末壽諸貞珉

處士陳君墓表

故處士陳君蘭村與余有縞紵之交。歿後八年。孤子
鈺以狀乞表其墓。夫異苔同岑。古有成言。芝焚蕙歎。
昔賢所感。是以履道表幽人之貞。谷風旌處士之義。
施哀墟墓。行道猶然。况在友生。敢辭荒陋。按狀君諱
圻。字坦園。蘭村其自號也。先世自山陰遷于金陵。遂
占籍上元縣。祖平章。父祥發。道素相承。世守清德。君
幼懷貞敏。宅心醇粹。讀書嗜學。早有令名。祖父皆擅
名法之學。君既冠。慨然曰。讀律可以致君。何必芥拾
青紫。始稱聞達。遂捨儒業。法家之言。郡縣

法家之言。郡縣

羔雁成羣。君引經折獄。有
之風。兩造具備。所
兼聽。宥過罰罪。務得其平。君至性博庸。家門雍穆。追
萊子之娛親。慕君魚之潔養。父母既歿。終身孺慕。每
諱日。警齋未嘗不涕泗沾襟。宗族稱孝。人無間言。宣
聖有言。五十而慕。殆庶幾焉。嘉慶十年三月八日。以
疾卒於繁昌縣之賓館。春秋六十有四。孤子鈺扶柩
歸里。于十二年十二月十八日。葬於楊梅園之原。禮
也。相茲幽宅。無有後艱。善可風世。銘垂不朽。其詞曰。
鬱鬱佳城。大江之濱。君子樹善。以貽後昆。孝乎惟孝。
弗忝其親。令德未艾。視此銘文。

徐孝子墓表

今上龍飛之初

詔天下郡邑舉孝子順孫義夫節婦。以厲風俗。於是
吳門士大夫於道光二年冬。公舉鄉之徐君孝行。以
聞於有司。封疆大吏請於

朝。旌表如律令。其時孝子歸藏久矣。鄉人請為文以
表其墓。夫闡潛德而發幽光。博史之職也。爰不辭固
陋。綜其生平大概而壽之石。君諱金霖。字翔千。自號
漱坡。世居吳縣洞庭東山。曾祖履中。祖大來。父贊儒。
業相承。世守清德。兄弟五。居其長。生而端粹。我

厚。非。歲。如。成。人。性。至。孝。事。二。婉。言。愉。色。必。得。其。性。
心。十。歲。五。經。畢。業。發。為。文。章。根。柢。六。經。弗。離。浮。華。二。
十。二。入。長。洲。縣。旋。貢。入。太。學。八。應。鄉。試。三。薦。而。終。不。
售。論。者。惜。君。之。屈。而。君。欲。然。不。戚。於。心。朝。夕。怡。怡。侍。
親。前。起。居。飲。食。必。謹。父。病。且。幽。君。焚。香。籲。天。請。以。身。
代。及。其。歿。喪。葬。必。依。古。禮。母。病。久。弗。瘳。喜。怒。失。常。君。
晝。夜。奉。侍。惟。謹。母。每。忽。忽。不。樂。君。則。曼。聲。歌。唐。人。詩。
奮。袖。拍。張。學。稚。子。嬉。戲。以。博。其。歡。若。古。萊。子。之。娛。親。
然。如。是。者。春。秋。四。易。弗。懈。鬢。髮。盡。白。母。既。歿。哀。毀。若。
喪。父。時。其。至。性。如。此。今。夫。孝。也。者。庸。行。也。非。奇。節。也。

自。明。人。屠。隆。輯。二。十。四。圖。說。輒。采。卧。冰。哭。竹。等。事。跡。
以。炫。人。耳。目。世。俗。往。往。艷。述。其。事。由。是。孩。提。愛。敬。之。
出。自。性。生。者。轉。為。矜。奇。尚。異。之。說。所。掄。抑。思。禮。經。所。
載。少。儀。內。則。諸。篇。止。於。扶。持。抑。搔。膝。下。周。旋。瑣。屑。之。
事。而。大。孝。如。文。王。亦。不。過。致。意。於。視。膳。問。安。而。已。孔。
子。曰。事。之。以。禮。葬。之。以。禮。祭。之。以。禮。可。以。為。孝。蓋。聖。
人。論。孝。必。在。庸。言。庸。行。尋。常。日。用。之。間。而。不。為。新。奇。
可。喜。之。論。若。君。之。於。親。生。事。死。葬。盡。誠。盡。哀。此。可。為。
一。世。法。者。而。果。也。仰。承。
天。寵。綽。楔。旌。門。於。以。見。

聖朝章志貞教以勵風俗。不此而不在彼也。君卒於乾隆五十一年。越六年。葬於長圻祖塋。今特表之。曰孝子徐君之墓。將以告夫當世之為人子者。

俞封君墓表

易曰積善之家必有餘慶。夫人修身踐行制節。謹度以教養其子弟。鄉黨稱為善人。則天之報施。若可操券而待。非人欲責報於天也。積厚者流光。其理固如是。若封君俞公之事。可述焉。公諱世隆。字盛初。甘肅寧夏人。其後移家平羅。公少有至性。孝於其親。讀書通大義。弱冠而孤。生計支絀。乃慨然曰。學者以治生為急。吾安可鬱鬱久居於此。遂棄儒業。而服賈於平羅。平羅距寧夏百里。而遙公慮定。一或有闕也。因迎于

和安人就養焉。平居慎。以信義自重。取身無所苟。言動必依禮法。見人有過。輒面規之。人多憚其古直。亦未嘗不肅然起敬。配唐氏。繼配赫氏。皆淑慎宜家。克佐內政。赫宜人。有丈夫子五人。長德涵。次德淵。次德源。次德洵。次德清。公之教諸子也。必以義方。自童稚以至成人。不少假借。雖尋常起居尊卑長幼之禮。秩然不令。纖豪有失。嘗謂古人多男。必各授之以業。故令德淵。德洵。力於學。而令德涵。德源。力田治生。嘉慶丁卯。德淵舉於鄉。丁丑。成進士。選庶吉士。改知

縣。歷宰荆溪。長洲二邑。遷蘇州府。督糧同知。德涵。以弟官。封文林郎。德洵。亦補寧夏縣學廩膳生。弟兄濟美。堂構一新。若文言所云。積善餘慶者。此其徵與。當道光三年。吳中歲祲。維時德淵方宰長洲。請於上官。緩催科之令。蠲賑兼施。復出私財。為邦人倡。以助夫官賑之不足。貧民賴以存活者數萬人。大府舉荒政之善。首及之。以告於

朝。晉秩五品。他如文廟歲久朽敗。則捐俸葺之。祭器未備。則捐俸置之。賓興擇諸生之需。

學者助其資斧凡所設不古循吏之風識之
知其本諸平時庭誥云封君生於乾隆九年沒
於嘉慶十五年春秋六十有七元配唐宜人先
卒繼配赫宜人後公十五年而卒德淵方晉階
貳守未赴任聞赫宜人之訃銜恤西歸將奉宜
人之靈合葬於先封君之墓以狀徵誄惟是封
君葬有年矣未及志其幽宅乃為敘述其生平
大略立表墓門俾鄉人有所矜式焉

故宮保劉公墓志銘有序

道光十年正月初九日故宮保萍鄉劉公沒於
揚州子舍其夏孤子元齡等奉其喪歸江西過
吳門乞幽宅之銘因憶公嘗謂予曰我兩人締
交五十年所謂厯窮達死生而不變者也他日
君先逝吾當銘君吾先逝君當為我銘追思疇
昔言猶在耳乃今公先歸道山予雖不文敢忘
宿諾按狀公諱鳳誥字丞牧號金門先世由安
福遷萍鄉高祖瑞貞

國初請免闔邑南糧當予為劉善人事載志

乘積善餘慶。此其始基。祖易瑄、祖經濟、大智、世守儒業。三世皆以公貴。兄弟三人。公最少。生而穎悟絕人。鄉黨尊宿皆異之。年十五入萍鄉縣學。督學使者為吾鄉蔣時菴先生。於衆裏目色公。卜其為非常材。攜之入京。及致仕歸。又攜至吳門。切磋者兩載。歸。應乾隆己亥科鄉試。遂中式。五試春官。於己酉成進士。

殿試一甲三名。及第授翰林院編修。辛亥大考。翰詹公以優等升翰林院侍讀學士。壬子授廣西學政。任滿回京。嘉慶丙辰。派教習庶吉士。是

年冬。丁父艱。己未服闋。進京。值

睿皇帝親政之初。夙知公名。簡充日講官。起居注。纂修

純皇帝實錄。兼

咸安宮總裁。庚寅充湖北鄉試正考官。辛酉兼署國子監祭酒。旋擢太常卿。奉

特旨。仍帶講官。蓋

帝心簡在久矣。是秋典山東鄉試。即授山東學政。在任一遷內閣學士。兼禮部侍郎。再遷兵部侍郎。甲子七月。任將滿。了。

旨內召充

實錄館副總裁專司進呈稿本又充

經筵講官

文淵閣直閣事其冬因事左遷仍補內閣學士
丙寅六月升兵部侍郎又調吏部侍郎兼辦

國朝宮史續編丁卯六月

純皇帝寔錄告成

賞加太子少保七月充江南正考官旋授浙江
學政浙江本文人淵藪公以鼓舞人才為己任
每得一嘉士即送會城書院肄業時時與之誦

習古學士心日奮士氣日親己巳秋浙江鄉試
適巡撫阮公元因勦捕海寇公出奏請以公代
辦監臨事乃有徐余二生聯號舞弊公未及覺
察事發被議奉

旨發往黑龍江効力癸酉

恩釋回籍戊寅六月

特旨以編修起用未幾患目疾庚寅七月

睿皇帝升遐於熱河避暑山莊公在京聞信悲
感異於常人目疾益劇遂於次年夏請假南回
以幼子元喜需次兩淮乞挈家赴揚州就養道

光十年正月初九日以疾終距生於乾隆二十六年春秋七十公一生以文章報

國乾隆庚戌歲

純皇帝八旬萬壽公撰進頌冊奉

召詣乾清門傳

旨獎勵并傳

聖諭有江西大器之語嗣後曼學文衡累膺著作之任實基于此辛酉之春

睿皇帝祇謁

裕陵公實扈從方

駐蹕桃花寺接到軍營捷報

命增入上

陵祝文公立成二聯進呈

上嘉其敏速公之典試視學所取文必以根柢六經為主故所得多積學博古之士其掇巍科膺上第蜚聲館閣者不可勝數尤以扶持名教為先務在山東時會同巡撫題請為伏生之後設博士一員又議及左邱明鄭康成雖格於部議而公表章經術孜孜不怠之心可以概見公於庚子會試卷在編修印公庭澆房中薦而未

中公感知遇之恩，執禮以誼。後邱公沒於黑龍江，適公同在戍所，經理其喪送之歸，其惇尚風誼如此。公於書無所不窺，尤深於史學。南昌彭文勤公有補注歐陽五代史之稿，未及成書，臨終以草本及所采宋人書二百餘種，盡以付公。屬為續成，公排比搜輯，歷二十寒暑，晚歲始萃錄成編，梓行于世，可謂不負所托矣。所著有經進文八卷、駢體文二卷、古文四卷、古今體詩六卷、館課詩賦五卷、集古詩三卷，藏於家。余與公同歲舉于鄉，因得獲交於公，知公最深，因諸孤

之請，乃敘其生平本末如此。配李氏，故廣東巡撫恭毅公之女，封一品夫人。子八，元齡官江蘇吳江縣知縣，元恩道光辛巳科舉人，元喜兩淮候補運判，餘俱先卒。孫六，震浙江候補運副，咸孚頤壯觀，俱未仕。曾孫二，九疇九韶，孤子元齡等。於某年某月某日葬公于某原，予衰年不能遠涉，會葬乃先期作誌，且為之銘。其詞曰：彭城華胄，著在漢京。惟歆與向，經術修明。哲人相望，歷二千齡。篤生我公，大振家聲。初登館閣，傾動公卿。黼黻

皇猷翊贊隆平。燃藜秘閣珥筆。

明廷燕許手筆。萬衆心傾。伯夷典禮。呂伋掌兵。總持著作。載佐銓衡。輜軒四出。網羅俊英。纖塵弗點。虛堂鏡明。君子豹變。履險亦亨。鴻文壽世。春麗鯨鏗。不懈及古。班揚抗行。英文妙墨。模楷後生。大江之濱。鬱鬱佳城。卜云其吉。山高水清。左林右泉。是經是營。子孫無斁。長享利貞。

山東糧儲道宋公墓志銘

并序

余少習法家言。為幕府賓客。操刀筆治案牘。歲甲辰。吾鄉汝和宋公牧皖之和州。邀余偕行。公與余皆婿於同里蔣氏。於媼姪。在丈人行。公顧與余為忘年交。凡兵刑錢穀簿書訟獄諸事。無所不與其議。與公周旋甚久。既而余赴春官試。旋通籍入詞垣。公亦移山左。累遷其官。丙辰。今言曰。身於。天子登極之歲。公先為山東糧儲道。緣屬縣有呈吏議者。并及公。鐫三級當需。次吏部。公已引疾而虞。當路者之不之許也。將再起。意持兩端。不決。余曰。公年

六十七矣。又三年。古人懸車之歲也。公方為選人。母乃非老氏止足之義歟。公以為然。決計歸。丁卯。余罷山東按察使。再入翰林。是冬。以疾乞歸。公已病。拜公於床下。公執余手而言曰。哀朽殘年。鐘鳴漏盡。行與子別矣。知我者莫如子。吾畫像一軸。子為我為之讚。他日幽宅之銘。亦唯吾子是累。余曰。讚畫像則諾。若壙志。如公盛德。將眉壽無害。姑勿議。既別。閱旬日。公竟謝世。余從公游久。又重以生前之託。烏敢以不文辭。公諱思仁。字藹若。汝和。其號也。蘇之長洲人。宋之先為三吳望族。累世清德。曾祖兆鶴。祖照。翰林編修。

考邦綏。戶部倉場侍郎。公之生也。公母蔣夫人夢藤花盛開。如慶雲。因命小名曰積慶。幼穎悟。好讀書。年二十二。補博士弟子。學使試。輒冠其曹。讀書紫陽書院。山長沈歸愚。廖南崖兩先生。皆器之。數舉不利。司農公謂曰。吾家世受。爭一日短長。國恩汝當及時自効。豈可操觚與寒畯競進耶。是時豫河興大工。公輸資如例。議敘授四川簡州。歲丁亥。公莅任。繕修城垣。擒治姦宄。威信既彰。州乃大治。時國家用兵兩金川。軍營檄備牛馬。他邑輒用民力。牧養資送。公一切自出資為之。民不知兵。上官察其賢。

委權知保寧府事。府治瀕嘉陵江。江水齧城根。城日蝕。公築護城隄。鐵牛鎮之。水患永息。既回簡州。而司農公之訃至。壬辰服除。補廣西橫州州政。廢弛久。公至。其威信如治簡州。先是。司農公曾撫廣西。橫人感公德。因而思先公之德。建遺惠祠。祀司農公。至今香火不絕。先後權太平。柳州二府事。西隆州者。粵西極邊也。距省治甚遠。犛獠雜處。州官失撫。馭。囂然變生。督撫知公能。移公往治。公至。擒其倡亂者。王抱久等十四人。置於法。州人以寧。庚子冬。丁母憂。服除。謁選得安徽和州州。俗多溺女。不舉。公請於上官。創建育

嬰堂。巡撫高文勤公嘉其事。給幼孤遂長之額。以旌之。乙巳歲大旱。民飢。公請帑金五萬有奇。以賑貧民。賑既竣。民食尚艱。則又煮粥以飼之。冬寒。公曰。貧民賴

朝廷大賚。已得食矣。其能禦寒者有幾。出私財造棉衣千領。擇無衣者畀之。明年春大疫。公募人周行四境。收葬無主屍。時學使葉公觀國至州。試士曰。吾行江北。道路屍相藉。和州獨無。何也。公對以收葬狀。葉嘉歎久之。州治臨江。公於城外鉞魚嘴。設救生船。以拯夫舟行遭風者。州境香泉田圩。舊被水不可耕。治

者一萬畝。公督民修治隄防。其地仍為膏腴。丁未以薦遷山東泰安府。所屬肥城有先賢有子後裔。公請于巡撫。奏置五經博士。奉旨允行。庚戌。純皇帝巡幸山東。登祀岱宗。公蒙召見。行在奏對稱旨。與宴行宮。拜錦緞荷囊之賜。并

錫詩章。是歲調濟南府。癸丑遷山東糧儲道。而齊東縣有胥吏犯法。罪應荷校。縣令鄭琦樹私釋之。事在

公守濟南時。追論以失察降職。公遂引疾歸。家居以敦厚廉謹教其子孫。讀書行義。老而彌篤。所居一室。左圖右史。臚列古器奇石。蔣花竹于庭。終日嘯咏。其中泊如也。如是者十餘年。嘉慶十二年。歲在丁卯。十二月十八日。以疾卒于家。春秋七十有八。公性至孝。先是司農公官山西。公母蔣夫人偕至官舍。猝患風疾。勢將不治。公剗左臂肉和藥以進。遂安。其居官也。廉靜慈惠。勇於興革。故所至有聲。其聽訟如家人。反覆推求。必得其情。而後已。境有古跡。必訪求而表章之。在保寧。修治張桓侯墓。在和州。州廨有劉禹錫陋

室水心亭故迹皆繕完之。并畫像刻石以示後人。在
粵西。撰太平便覽。在山東。撰泰山述記。皆以誌古今
文獻。性儉約。室無姬媵。雖在官。飲食服飾如寒士。平
居無絲竹六博之好。惟善奕。公餘時一及之。嗜吟咏。
所著有橐餘存稿四卷。廣輿吟二百篇。善畫蘭竹。頃
刻數十紙。坐客爭取弗靳也。於書無所不窺。星命卜
筮堪輿之術無不通。以決人窮通休咎無不驗。曩在
公幕下。公視余生年月日。曰。子他日將魁天下。嘉慶
乙丑。余以重慶守乞假歸省墳墓。公曰。子且嚮用。後
二年有小咎。子具慎焉。皆如公言。在官尤愛士。乾隆

丙午鄉試。公在和州賓興。決科。陳生廷桂。敬生大科。
皆才首擢之。兩生皆先後成進士。僉以公有知人之
鑒云。公之疾也。仿謝石測字之術。以自卜。座客或舉
蘭字。因公性喜畫蘭也。公曰。蘭字古文作蘭。門字有
二月之象。今適當十二月。吾病殆不起矣。蘭字中從
東。而俗書常從東。東者十八日也。此月十八日。殆吾
長逝之期乎。已而果然。可為神矣。公性慷慨好義。親
族子女貧不能婚嫁。則婚嫁之。有吉凶緩急。則周恤
之。配蔣氏。子三。長蘭蓀。殤。次榮。廣西南寧府同知。次
林。太學生。出繼為公弟。思誠。後皆先公而卒。孫三。承

豫承恩承溥曾孫三守培守基守訓承豫等將以嘉
慶己巳九月葬公于萬祿山之麓乞余作銘以如公
志銘曰公不損秋隕秋秋之有吉也然其限固
微子策封宋國始建華胄千葉明德斯遠篤生司農
大朝之彥公寔象賢克率厥典幼學壯行撫茲承人
民懷慈母吏畏神君一而吾誠不其亦隨中
帝曰嘉哉汝于世臣累遷其階以酬乃勲惟公治官
若古循吏有猷有為百廢具舉
國著官箴家藏治譜中道而蹶弗竟厥緒惟公居室
孝友是敦惟公接物廉讓攸聞公歸道山幽宅永寧

積善餘慶宜爾子孫

蘇善錄與宜爾七

劉蓉峯墓志銘

并序

嘉慶丙子春觀察劉公自粵西解組歸予謁之於花
步里第觀其容色慘淡時公方有長子之喪竊謂西
河之痛賢者不免迺未幾而公病遂不起夫公秉耿
介之姿抱匡濟之略有志當世而不竟其用其心殆
有欲然不能自釋者耶將葬孤子運鈴以狀來乞銘
予與公同里習其為人安敢以不文辭按狀公諱恕
字行之蓉峰其自號也先世徙宗高宗南渡卜居於
洞庭東山曾祖昭德祖世禧候選州同知父金省刑
部雲南司主事公生早慧弱冠能文章聲譽著於鄉

里游京師。受業于嚴愛亭太史之門。學有師法。乾隆丙午舉於京兆。是科南昌彭文勤公寔主京兆試。夙負人倫之鑒。故被知者尤於衆論翕然云。五赴禮闈不第。公遂慨然有當世之志。適不文。朝廷以川楚用兵。又頻年河患。將不次用人。公納贖如例。以道員分發廣西。公單車就道。不携妻孥。自隨先署右江兵備道。既又攝柳州慶遠兩府事。皆有政聲。其在柳州。地褻猺獞。且當會匪滋事後。公恩威並著。編戶大寧。其在慶遠也。有河池州民盧培莫阿古二命案。官吏受賕留獄不結。公廉得其情。請于上官。

黜其官。罪其吏。沈寃以伸。邦人頌之。忻城土民聚衆械鬪。公親督兵役。擒其首惡。置之法。邊徼賴以無事。公在嶺外久。為山瘴所侵。體漸憊。有故山之思。大府方倚重公。而公竟引疾歸。先是公以山居僻陋。移家至蘇州城西花步里。所居有山池花木之勝。公益羅致奇石嘉卉。築寒碧莊。一時賢雋皆從之游。裒集天崇以來名人制藝。手定一千五百餘篇。鐫板行世。嘉惠後學。平居無聲色之好。惟性嗜花石。著有牡丹新譜。茶花說。石供說。又喜蓄法書名畫。仿清河書畫舫之例。集成十卷。日挂漏編。又集古今石刻。環所居壁。

間朝夕相對以自娛公自嶺外歸未久病即劇以嘉慶二十一年九月十三日歿於花步里第春秋五十有八明年九月初九日葬於長洲金盆塢之原夫人席氏子二運銓府學生先公一年卒運鈴吳縣學生孫三懋勛懋勳懋勳銘曰
洞庭包山東南福地靈氣所鍾寔生才智學兼文章仕優政事天予慈遺不竟其志嗚呼古人有言不於其身於其子孫德貽後昆將高大公之門

杭州同知席公墓志銘 并序

吳郡為水鄉太湖最大湖之中臚七十二山洞庭最著山之上煙火萬家席姓最盛席氏世生偉人或以桑孔之術權物貴賤而成素封或以文學起家其間有英絕領袖之者在家則家治在官則官治若筠亭公其人也公諱維世字臨九以筠亭為號始祖唐武衛將軍溫由關中遷於洞庭東山祖經父麟皆贈如公官公少孤舅氏葉公魏堂贊公於甥館魏堂績於學所交多當時文士家有檀園常招諸名流讌集其中公皆與之游因得熟聞古今沿革損益之要初筮

仕為浙江鎮海丞。權石門令。乾隆庚子。益。純皇帝舉南巡之典。石門當清蹕所經。公執壤奠。侯遮扞衛。帝嘉其勞。有文綺之錫。是歲陞永嘉令。永嘉地瀕海。市舶所集。商民襍居。訟牒繁多。公勤於政。庭無留獄。執法持平。奸宄斂跡。暇則進邑中人士。與談文藝。葺東山書院以課之。士風嚮學。翕然改觀。縣西溪田歲苦水溢。公募民築防。皆成膏腴。公善折獄。太守知其能。他邑獄辭未當。輒付公覆治。多所平反。海洋多盜。公多方偵緝。獲其魁。

天子嘉之。命以同知用。是時浙省方興修海塘。督撫請以公補杭州西路海防同知。董其工。公感

朝廷不次之知。盡心力任其事。寒暑無間。以疾卒於官。春秋四十有五。公性廉靜。內介外和。官所至得民心。其去永嘉。百姓扶老攜幼。追送數十里。平生不治生產。性慷慨。急人之急。凡事先公。後私。歿之日。室無餘財。衣物多質典庫中。子七。某某。孫四。某某。曾孫一。某。孤子等。以某年月日。葬公於洞庭龍頭山之陽。銘

曰。善。靈山嵯峨。龍威所居。篤生偉人。將大其閭。鄉之善人。

國之循吏中道而隕弗竟其志公志未竟公澤長存
 積善餘慶貽諸子孫我不識公識公令子是彞是訃
 以懋繁祉以其平日所為公之於世固已足矣
 翁根水出於此而與車中子其果其四其果曾祖
 公其志未竟而後其志未竟也豈非公之於世
 曾春林四十有五年公封為情內介也味官而至月
 隨其不心之味盡而內封其車及吾無間以我率
 諸公辭於此而欲與同以美其工公應
 天子嘉之命以同味用其德其首不與新或與皆

贈奉直大夫周公墓志銘并序

春秋傳曰明德之後必有達人所謂達者非高爵厚
 祿為宗族交游光寵之謂其人必蓄道德能文章言
 為世法行為人師然後可謂之達吳江周氏自元公
 以來承儒守官二十三世而至盤谷老人其間恭肅
 忠毅仕在勝朝或以忠謹匡時或以剛方直亮徇節
 斯皆可為達人矣盤谷老人復經明行修守其清德
 以啓佑後人既歿將葬孤子一鶚等以狀乞銘夫闡
 揚盛德惇史之職也烏敢以不文辭按狀公諱東吾
 忠毅公之五世孫也初名篤字培根後因夢兆易今

名號許愚晚年又自號盤谷老人曾祖昱祖振業父以持儒業相承韜光未顯公生五歲母喪寄養外家八歲入塾就傳授經穎慧過人困于童子試甚久洎夢見天榜遂易名補博士弟子員文章高簡淳古取法大家不以雕琢為工終歲教授生徒藉束脩之入以自給輦瓢雖空不介于意諸子皆以文學起家次子鶴立宰蒙城公寄理縣十則一日修文二日講武三日存心慈四日立法嚴五日慎刑六日戢暴七日勿偏聽八日勿任下九日制節謹度十日正身齊家丁寧告戒手書至二千餘言可為善教其子矣又曰

能常守窮秀才家風方不失古君子行徑鶴立書此二語常懸諸兩楹之間以自勗善夫今世士大夫當其窮居自命未嘗不欲砥厲廉隅以託於賢人之間及一朝得志紛華誘于外而嗜欲生于內不禁盡喪其生平此無他其故皆在不能守秀才家風耳果如公言可以盡一世無簞簞不飭之事豈獨周氏子孫奉為庭誥而已公生于乾隆三年歿于嘉慶十九年春秋七十有七子六殤其一孫四曾孫二孤子一鷄等以嘉慶二十年十一月十五日葬公于縣之堞字圩新阡銘曰

蒼姬百葉餘緒長。惟有德者壽而康。抱質守素能文章。貞臣五世數必昌。一門五鳳齊翱翔。煌煌庭誥生輝光。高原撫撫笠澤旁。地下云吉辰則良。公之神兮游大荒。鬱乎幽宅今歸藏。

吳枚菴墓志銘并序

嗚呼世無處士久矣。今之人束髮讀書。達則為公卿大夫。否則困於科舉之業。孜孜矻矻以終其身。欲求夫修學好古。蟬脫聲利之外。簪笏不動其心。簞瓢不改其樂者。實難其人。若枚菴吳先生。其庶乎先生諱翌鳳。字伊仲。初號枚菴。晚歲又自號漫叟。江南吳縣人。少稟異姿。讀書五行俱下。既冠。以試院旭昇樓賦。受知於學使曹秀先。祭酒。食餼於庠。貢入成均。所交皆一時知名士。聲華籍籍。執林先生視青紫若敝屣也。年四十。即絕意於干祿之學。惟仰屋著書。獲一未

見書必手鈔。所鈔書盈笥，篋皆讐校精核，無一譌字。詩宗唐賢，三昧書法，董香光善寫生，草蟲花木落落。縱筆入徐熙之室，工篆刻，古雅有法。所蓄金石文甚富，一一能道其存亡真偽。間作山水，亦高簡無俗韻。故尚書姜公晟之巡撫湖北也，遠致羔鴈，延課其子。先生遂作楚游。姜公既去，楚先生為楚中士大夫所拔，留坐臯比，教授諸生。凡往來于楚之南北者，二十七年。然後歸老于故土。嘉慶二十四年夏，偶感暑瘡，既愈又發，遂不起。以七月初三日卒。春秋七十有八。父坤，字載寧，以善畫名于世。其歿也，先生哭之過其

節。左目遂失明。母沈氏早故，繼母陶氏尚存，配沈氏。先卒子三：寶彤、寶芾、寶紳。殤其二，惟中男僅存。孫一之慶。先生性樂閑靜，外通內介，家無擔石儲，而口不言貧。後生從之游，視若和易，近人至，非義之為則凜乎不可干也。所著書有與稽齋叢稿、吳梅村詩註、唐宋金元詩選、懷舊邛須二集，皆已刻行世。其未刻者尚有二十餘種，世未及見也。孤子寶芾，以次年三月初八日葬先生於太倉山之原。先期乞銘，銘曰：儒家者流，賢聖為伍。勵志詩書，抗心鄒魯。矯矯先生，性厭華膺。讀書萬卷，圭璋在府。蔚為文章，弗懈及古。

誘掖後生。若被特雨。行必踐繩。言必執矩。哲人云亡。斯文焉取。

內閣學士錢公墓志銘

公諱榮字振威號湘舲長洲人初為諸生時名起字振來乾隆間功令避前代名賢之同姓名者因易今名與字先世出武肅王之後自廣陵王分支為三十世孫高祖中諧順治戊戌進士舉康熙己未博學鴻儒科官翰林編修崇祀鄉賢祠曾祖源聲廩貢生官太湖縣教諭祖岬府學增廣生父效書國學生三世皆以公貴公自童穉之歲舉止端莊初受經史覽即成誦稍長受業於陸澹明張楚門兩先生其文得清真雅正之傳有聲庠序間母高太夫人病公刲臂

肉和藥以進而愈。其至性過人如此。公之入學也。受
知於梁文定公。乾隆己亥舉於鄉。辛丑成進士。自入
學以及鄉會。公皆第一。本朝以三元及第者。自公始。
廷對凡四試。皆第一。本朝以三元及第者。自公始。
純皇帝嘉之。寵以詩章。有王曾如可繼。違弼我心存
之句。蓋其始進時已簡在。上書房。敬恭匪懈。十
帝心矣。授翰林修撰。旋侍直。有餘年。丙午充順天鄉試同考官。己酉會試。又充同
考官。甲寅主廣東鄉試。嘉慶戊午主雲南鄉試。即拜
提學之命。其歷試所識拔多知名之士。其後為達官

者。若錢公楷、李公鈞、簡位望政績。皆赫赫有聞於時。
論者謂公有人倫之鑒云。其在雲南僅一載。以嘉慶
四年八月初七日卒於官。春秋五十有八。夫人余氏
淑慎宜家。有無黽勉。後公十六年而卒。子二。喬雲、四
川榮縣丞。朗雲。太學生。孫五。璨、瑛、琪、琛、璫。孤子喬雲。
以道光四年八月二十五日乙酉。葬公於太倉廿五
都三圖閏字圩之原。余夫人祔。韞玉與公同郡。又同
舉於鄉。熟聞公生平行事。因述其大略而為之銘。曰。
國家設科。網羅賢才。天生俊乂。伯仲鄒枚。名登高第。
文列上台。三試三捷。必奪其魁。其其人温温。其行矯

矯經史為田。忠孝為寶。諭教胄筵。賡賦
天藻。出入起居。罔違於道。其官不躡進。知公之恬室
不餘蓄。信公之廉。士林圭臬。世俗鍼砭。公輔之望。斯
人具瞻。其海上靈鼈。雲中威鳳。公逢其時。弗竟其用。
丹旒明旌。素琴志痛。銘茲樂石。輿人同誦。其

嚴少峰墓志銘并序

儒有難進而易退者。聖門所尚也。吾吳自延陵季子
辭千乘之封。而退耕於野。流風所被。廉讓之士多而
貪位慕祿之人少。往往行為世則。才為國華。一旦蕭
然舍去。抱樸守素。以終老者。古昔所尚。今復於少峰
嚴公見之。公諱榮。字瑞唐。少峰其自號也。世居吳之
洞庭東山。曾祖有武。祖選世。守清德。名列縉紳。父福
乾隆乙未會試第一。官翰林編修。入直。上書房。公
少承庭訓。復壻於王。祖侍郎之門。學有師法。通經術。
曉暢世務。乾隆癸卯舉於京兆。乙卯成進士。改庶吉

士散館授編修嘉慶己未授浙江金華府知府庚午
調杭州府公之居官也謹度支慎訟獄以實心行實
政歲庚申金華山水陡發府屬邑多被災公親加履
勘田地之被砂石衝壓者以坍塌報除其賦男婦之
被水者請官給口糧賑之民獲生全其在杭州上官
倚如左右手公在官言官無一念涉於私浙中鹽法
積敝公奉大府檄勾稽釐剔積逋一清吏無所容其
奸浙西歲儉公請蠲請賑并委負購米以充民食旁
邑皆仰給焉西湖歲久不濬葑草積淤公請撥運庫
閒款鳩工濬濬下游民田實蒙其利公之善政不勝

述茲述其大者歲丙子西湖之濱有盜棺者既獲犯
閱實其罪矣杭人有為御史者抗疏以為非是
上遣朝臣平反之巡撫知縣皆褫職連及公應鑄級
其後巡撫縣令皆復原官公之獲咎也微且因公苟
黽勉從事當必駸駸嚮用乃竟引疾歸既歸浣衣濯
冠以恭儉搏節訓其子弟時時徒步里閭聞人不知
其為達官也向所云難進易退抱樸守素者公其有
焉歸後六年道光元年六月以病卒於里第春秋六
十有一初娶王氏繼娶陳氏子八某某孫十三某某
孤子良裘等以道光三年某月某日葬公於某原銘

曰

洞庭之巖。世有陰德。父子濟義。大其門閭。當公少時。克岐克嶷。至性過人。鴻文華國。及公出守。委蛇奉職。行為衆母。言為邦直。公之歸也。優游黨術。履約踐繩。不愆不忒。鬱鬱包山。茫茫笠澤。山虛水深。莫茲幽宅。

選

四川叙永直隸同知周君墓志銘并序

蜀於中國在西北邊徼二百年來。數有兵事。故文武官吏從事行間者不少其人。或飛芻挽粟。或磨盾草檄。皆以功名顯。然馳駟萬里之外。俾荒服之人。得聞中國聖人之教。而變其俗。則勛齋周君有足多焉。君諱明德。字某。勛齋其自號也。先世家於吳門。曾祖敬侯。祖維新。皆太學生。父大倫。候選縣丞。君以祖若父游幕泗州。因家於盱眙。君幼好讀書。十二能詩。十三學為文。年二十歸蘇州。南北鄉試皆不售。以四庫謄錄議叙縣丞。發四川試用。時金川平定。京兵凱旋。君

即奉檄辦理回兵差務。叙勞加一級。西域之用兵也。君隨大帥至兩藏，辦理軍務。西域之俗，人死不葬，而齧其肉以喂鷹犬。雖人子於父母皆然。君請於駐藏大臣尚書和琳，出示嚴禁，並指荒山以為義塚。夷民感動，其俗遂革。西域人向不出痘，間有一二，即拋棄山谷以避沾染。君又請於和，設立醫局藥餌。凡有嬰孩出痘者，即送局調治，由是保全甚多。夫人孝慈之心，稟於天性，而殊方絕域，未聞中國聖人之教，遂致齧割其親而不知非，棄捐其子而不知惜。君因利乘便，使數千年之惡俗一朝而革，其有造於斯人，為何

如君歷官多政績，不勝書述其大者以示後人。君官至四川叙永直隸同知，援例改六部員外郎，未赴官。於嘉慶六年告歸，時年纔五十二，亦可為急流勇退者矣。在林下優游二十餘年。道光三年卒於里第。春秋七十有四，配王氏淑慎持家，言不出閫。先於嘉慶二十四年卒。孤子冕，卜於道光五年十月朔日，奉二親柩合葬於長洲縣八都上七畝海淡字圩白坊之原。索予銘其墓，予與君同官於蜀，知君行事稔，因叙其生平大畧而為之銘曰：偉哉周君，人中豪。服官不憚勞，人勞馳驅萬里行。荒

徽佩刀橐筆隨旌旄運籌帷幄參戎韜視彼荒服如
同胞移風易俗惠澤饒悃悃大雅德音昭佳城鬱鬱
宰木高銘茲幽宅非過褒

浦江縣知縣岳君墓志銘并序

予於嘉慶四年由翰林修撰出守重慶維持蜀中有
白蓮教妖人之亂徵調四至軍符絡繹風鶴之警日
聞涪州人告余曰曩有司訓岳君故大將軍襄勤公
之曾孫也才略過人州事嘗倚之而辦惜乎銜恤去
矣予心識其人而未嘗見也其明年君司訓綿州而
賊犯川西南有人自軍中來言綿州幸無恙衛民禦
賊岳司訓之力居多予益信涪人之言不妄其後二
十年長子同福官於浙有同僚浦江岳尹之喪孤子
維壘等以狀來乞銘稽其狀則向時司訓綿州者也

予欽遲久矣。敢以不文辭。按狀。君諱炯。字秋塘。四川中江人。自宋忠武王十九傳。至大同總兵官鎮邦。守邊有功。鎮邦子昇龍。官四川提督。入蜀籍。昇龍子鍾琪。官少保。寧遠大將軍。川陝總督。封威信公。世襲一等輕車都尉。謚襄勤。則君之曾祖也。鍾琪子濬。官山東巡撫。權兩廣總督。岳氏。自入本朝。以武功顯。凡四世。皆有勲績。載在

國史。君之考廷楷。候選州同知。早卒。君少孤。以母氏李太孺人。食貧教養。乃自成立。年十八。入學為弟子。負三十。由拔貢生赴京。

朝考入二等。引見時。

純皇帝垂詢云。汝乃岳鍾期之曾孫耶。君叩頭謝。奉旨以教職用。選涪州訓導。丁母憂。服闋。署綿州訓導。新都教諭。補興文教諭。計典卓異。升授浙江之浦江縣知縣。在官十二年。俸滿。述職入都。病歿京邸。君性和惠而廉介。有膽識。其在綿州時。制府以賊逼潼川。下令禁渡。時川北避賊者男女數十萬。呼號求救。君請於大府曰。賊未至。而坐視億萬生靈填於溝壑。是百姓不死於賊而死於官也。制府心動。許方舟濟之。獲全者無筭。及其宰浦江也。訟繁俗悍。君一切以慈。

惠處之。或有以猛濟之說進者。君曰。百姓皆吾赤子。何忍加以酷罰。且酷者所以濟貧也。吾不願為貪吏。安用酷為。百姓感之。縣境大治。君之將入都。貧不能治行李。縣人知之。將謀所以助君者。君力辭乃止。其公啟有云。雖清官不受錢。自有不貪之寶。而行者必以贖。諒無不受之金。則人情之愛戴可知矣。君生於乾隆庚辰。卒於嘉慶己卯。春秋六十。配戴氏。子六。其某。孫七。某某諸孤。將扶君之櫬。歸葬於蜀。先期乞銘。銘曰。將家子。習儒術。文武道。二而一。寬以臨人。非曰市德。

蚩蚩者氓。奚知法律。蜀山高兮。蜀水清。中有一人。廉且貞。循良欲傳。視吾銘。

何元長墓志銘

并序

邃古之初神農以粒食養萬民黃帝即嘗百草察其
寒熱溫平乃與岐伯雷公鬼臾區之徒製為方術以
療民疾苦聖矣哉醫之為術直與稼穡同功職是古
今史乘靡不為方術立傳自扁鵲太倉公以下載在
方冊者不可悉數竊以為靈素尚矣若秦越人之難
經張仲景之傷寒論孫思邈之千金方等書皆久行
於世然習其說以治人輒生者半死者半蓋幾微之
誤性命以之斯術烏可不慎歟禮曰醫不三世不服
其藥孔子所慎者疾而曰人而無恒不可以作巫醫

誠慨乎此事之難知也。若青浦何君澹安，世業於醫。自宗紹定中，有溥安，主薄侃者，精於長桑之術，傳至澹安十九世，世習其術，宜乎神明而勿失也。澹安既歿，孤子其偉，卜葬于蕪山之陰，持狀來乞銘。澹安義甚高，心儀其人久矣，願得而志之。按狀，君諱世仁，字元長，澹安其號也。其先宋朝奉大夫滄，隨高宗南渡，始居秀州青龍鎮。三世至溥安君，以醫名。又三世天祥為明醫學教諭，徙居華亭楊廡，夫所作壺春丹房記者是也。入

真事載江南通志。歿祀鄉賢祠。即君五世祖也。曾祖炫，字嗣宗，歲貢生，博學工文，尤精於醫術，其治疾也，神明變化不可測度。至今故老猶有能道其遺事者。有金匱要略本義傷寒論本義保產全書行於世。祖王謨，字鐵山，為縣學生，工詩，善文章，著有倚南軒集。萍香詩鈔亦以醫名世。復徙居青浦蕪山。余少時猶及見之。考雲翔早卒，君性通敏，喜讀書，以其餘力游於藝，書畫篆刻諸事無所不精。少承祖父緒論，究心靈素之術。考張劉李朱四家之說，仲景治傷寒一百十二方，其法至備。然古今稟賦不同，今用之慮其攻

伐峻。劉完素偏於用熱，不盡六氣之變。東垣以土為萬物之母，一意扶脾，學者不察，往往以峻補而遏其邪。丹溪謂陽易動，陰易虧，獨主滋陰降火，守其說者亦致寒涼損真，此非四家之過，不善學者誤用其術而不知也。君參其異同，究其得失，有鄰人遘危疾，君一劑起之。維時鐵山先生尚在，謂君曰：吾家自宋以來，習醫者十七世矣。爾父有志未竟，爾當努力繼之。乾隆五十年，君由國子生入貲，為布政司理問，有勸君仕者，君曰：母老矣，不能遠離膝下，且醫亦濟世事，何必仕也。君既以術能活人，遠近病者集其門，無

虛日。舟車襍還，至衢巷梗塞，君不以貴賤貧富異視。殫思竭慮，務得其受病之由，故所治輒應手愈。然君不自徇也。每曰：自非長桑，豈能洞見腠理毫釐一失，生死立判。吾敢不慎歟。君尤擅望聞之術。有金山人某來診，君曰：爾曾溺于水乎。其人曰：然。與之藥，即愈。人問君何以知其溺，君曰：望其色黑而滯，切其脈沈而牢，此陰寒內襲，是以知其溺也。又有嘉興沈姓人，攜婦求診，先醫者皆以為癥也。君視之曰：娠也。勿藥而謂其夫曰：爾將大病，不可治。其人艱然去，歸十日，竟死。其婦則產子無恙也。又崇明何氏子病瘵甚，來

診焉曰脈雖危神色未衰尚可治與一方平平無奇其人疑之更數醫罔效他日又來君仍與前方服之則痊矣君所活人歲以千計不可勝述畧述其一二君貌修偉赤鬚兩目閃閃若電而性和易近人所矜病者自遠方來雖危不治必婉言以慰之俟其出則私告其從者而反其幣曰彼不遠千里而來生死視我一言質言之是趣之死也寔人來診輒施藥以助之恐其貧不能自給也其仁心愛物如此君幼時溺於水若有人援之出者既躍而起其人倏不見殆有鬼神護持者歟君輕財好施平居坐客常滿宗黨

有吉凶緩急求濟者無弗應從弟涑少孤廢業君資之讀書應試入學為諸生未幾病歿復經紀其後事曰吾所知者人事耳其夭亡則命也王述菴司寇與里人同志者輯明忠裕陳公子龍詩文集既成無資授梓君曰此宇宙至寶寧忍聽其湮沒耶即出資庀工刊行之費白金八百餘兩然君實非素封皆摒擋稱貸以成之客有以法書名畫古器求售者苟心賞雖過直弗靳君嘗於福泉山側葺屋一區顏其堂曰愛日而自號福泉山人既奉母以居亦自作避囂計然醫門多疾應接弗暇豈能一日息也秋暑偶患瘧

下之疾。俄左耳後發一疽。君自知不起。惟以弗克奉
母終天年為恨。嘉慶十一年八月十七日卒。春秋五
十有五。配王氏。子四。其偉其瑞其順其章。孫四。寶林
寶錢寶瓏寶階。君所著有蕘山草堂集十六卷。福泉
山房醫案十卷。治病要言四卷。藏于家。銘曰。
天有六氣。過則淫。丞人感之。疾疾生。活人心法。扁盧
精。蕘山有賢。以醫鳴。陰陽調劑。歸和平。道與造化相
權衡。表忠慕義。平生心。傾囊弗靳。輸千金。闡微發幽
敷。令名九峯。委宛三泖。清君真歸。藏終古。寧幽宅。毋
艱。朕我銘。

周夢疇墓志銘

洞庭山在太湖中。距會城百里而近。山之人多習計
倪之術。善折閱。遠涉江湖間。有范少伯之遺風焉。若
鄉飲賓周君夢疇。殆其人歟。君諱克緒。字紹裘。夢疇
其自號也。家在洞庭東山。世有隱德。君童年喪母。孝
以事父。讀書通大義。以家貧棄而服賈。往來江浙間。
嘗曰。大丈夫不能致身榮顯。利澤及人。則當治生。稍
有餘。以供脩瀆。且為宗族交遊。緩急所資。故累致千
金。所以奉養其親者。無所不至。嘗客江西。聞父有疾。
星不遑歸。至錢塘江。風阻不得渡。君禱於神。逕行不

顧也。舟或傾或覆。舟中之人。五色無主。君安然無恙。及抵家視父。僅踰日而歿。人以為孝德所感云。其居鄉也。好行其德。鄰里有孤寡無依者。必周之。貧而不能婚嫁殯葬者。則助之。所居山徑犖确。君首捐金修治。鄉人感其義而繼起者衆。遂成康莊焉。晚年葺宗祠。修家譜。博信明義。鄉人矜式焉。有司行鄉飲酒禮。舉君為介賓。於嘉慶十八年卒於家。春秋八十有七。配席氏祝氏。子二。尚芬。尚榮。皆為太學生。孫三。尚芬等。以嘉慶二十四年十一月。葬君於楊灣新阡。以狀乞銘。銘曰。

敦禮讓。寡悔尤。匪富貴。是求惟天。爵之修。嗚呼。此古君子之儔。

俞太孺人墓志銘并序

青浦倪君倬積學敦行蔚為儒宗其為長洲教諭也以廉隅自勵後生奉為楷模如是者四年丁母憂解官歸其秋吉葬有期以狀乞銘讀之乃知芝草醴泉根原必有所自出君之學行過人皆賢母之教也按狀太孺人姓俞氏家本土族年二十四歸于處士公維時處士已三妻皆無子太孺人來歸日禱於觀音大士一夕夢有褐衣老嫗持兒來付之因而有身生男即倬也處士性落拓不治家人產其歿也室如懸磬倬倬纔十三齡未成立太孺人含辛茹苦勗之學

饋之資束脩之費皆出自十指紡績中。倬偶從鄉里少年博。太孺人招之歸。不怒於色也。但歷舉某人某人以博敗其家。倬知徹。終身不復博。倬所與游者太孺人必審其姓名其人而良士。則出酒食以享之。曰益友也。汝從之游。將有令名。倬在長洲。太孺人從之官。孫曾滿前。含飴自樂。以嘉慶二十四年卒。春秋九十。今倬將以其年月日。祔葬於某原。先處士之塋。禮也。嗚呼。婦人以順為正。非貴有奇節。偉行。若太孺人。事舅姑以孝。相夫子以勤。撫子孫以慈。壽登耄耋。高朗令終。斯為中閭中之完人也。與乃為銘曰。

地道無成。載物者厚。母也能賢。必昌其後。焯掌明慈。實傷其手。匪怒伊教。斯為善誘。易筮家人。利貞永久。言物行恒。在貧不疚。積善慶餘。俾臧而壽。幽宅無艱。茲銘不朽。

清故湘鄉縣丞吳君墓誌銘

君諱英玉字玉泉蘇之常熟人也自周章錫姓啟緒
荆方季札避賢分宗梅里水木本源其來尚矣迨我
聖朝蔚為令族高曾祖考世濟其徽君幼而懷敏長
而通方束髮受書長老卜其偉器弱冠美翰士夫愛
其嘉材既而劉蕢射策累困棘闈阮瑀工文薄遊蓮
府勾稽庶獄風議在庭益練達夫人情且周知乎世
務乾隆己亥歲以蕢起家歷試長沙湘潭衡陽縣丞
補零陵縣典史一命之榮澤能及物三考之陟政最
宜甲寅大計以卓異聞乙卯楚氛不靖苗頑作逆

君青纓麾下。執及行間。輓粟飛芻。無爽乎晷刻。戴星沐雨。弗懈于寢興。嘉勇郡王。總統戎韜。獎厲士績。嘉君盡瘁。特予上

聞。明年陞湘鄉丞。君感

朝恩之拔擢。慨戎事之勤勩。益矢勤勞。弗辭艱險。日月載更。霧露成疾。河魚之灾。勿藥何喜。馬革之願。有志竟成。會總兵官花公自楚赴黔。移營冷風坳。君力疾以從。賊方抄掠。君躬冒矢石。力與支吾。甚矣其憊。病遂不起。以是年七月初九日戌時。歿于馬鞍山下。春秋五十有一。孤子尚錦。負劍從行。輿尸歸第。巡撫

姜公愍君勞績。馳驛以聞。有

詔加贈國子監學錄

賜金祭葬。孤子將于某年月日卜葬虞山之先塋。請勤貞珉。用昭奕葉。夫芳聲不朽。嘉績已炳于旂常。潛德克昌。幽光亦生於泉壤。乃為之銘曰。偉矣吳君。延陵佳士。世紹弓裘。家承詩禮。綺歲通經。盛年筮仕。戒守官刑。惠周獄市。其有苗弗率。我兵聿征。高牙晨發。刁斗宵鳴。依山立寨。背水成營。嗟君文吏。踴躍從行。其尹之從行。委身鋒鏑。奉檄星馳。執戈霆擊。將錄乃

勛

帝嘉乃績。有死無生。此身何恤。其罪人既得捷書。以聞。嗟君逝矣。弗及策勲黔山之麓。湘水之濱。魂兮歸來。觀我銘文。

張君墓志銘 并序

縣有令。古諸侯之職也。天子付以司牧之任。有分土。有分民。此非竒材異能之人。可以勝任而愉快。必得恂悞無華之士。休養生息。日計不足。月計有餘。庶幾成古循吏之治焉。若餘杭令張君。非其選與。君諱吉安。字迪民。號蒔塘。吳縣人。清門令德。世守儒業。曾祖某。國子生。祖某。乾隆壬申。恩科舉人。父某。以君貴。封文林郎。君少穎悟。讀書習科舉之業。兼工詩善書。乾隆丁酉年。十一。舉順天鄉試。乙卯。以大挑一等。分發浙江。

以知縣用歷署淳安象山新城永康麗水浦江
所至有聲補餘杭至嘉慶己巳因親老思鄉土
遂引疾歸君之為政一以慈惠為本不沽名不
喜事與民相安而事無不舉初任淳安仰海忠
介之風以廉節自厲賦詩見志其在象山地瀕
大海民俗強悍且其時海氛未靖督師者獲洋
盜即付縣勘訊積至二十餘案獄囚數百人君
一一虛心研鞫無枉無縱盜風亦熄其在永康
蛟水陡發田廬蕩析君設厰棲流煮粥以食餓
者收葬浮屍凡所設施雖請於上官皆不待報

而徑行上官亦鑑其誠而嘉許之其在麗水適
逢大旱君設壇於郊率士民虔禱三日而大雨
霑足百姓歡喜鼓舞以為皆都君誠感所致其
在餘杭最久縣俗素健訟君終日坐堂皇聽訟
如與家人語必得其情而後已民既悅服案牘
亦清君既歸田餘杭人猶歲時踵門起居不絕
也君常兩為浙闈同考官所得皆知名士君既
歸尋丁外艱服闋後以繼母在堂遂終養不復
起君為人孝於父母友於兄弟信於朋友終其
身十一一日配王孺人鴻案相莊白頭偕老子三

長光熊次某次某各授以業皆敦厚醇謹守其
家法孫三某某君生于乾隆二十四年卒于
道光九年春秋七十有一孤子光熊等將于十
年九月十一日葬公于吳縣珠圓山之原先期
乞表墓之文乃揭其崖略如此且為之銘曰
聖門論政先善人官既慈惠民必親清河賢人
名杜倫讀書稽古師良循仁風所被萬物春四
境以內無冤民虛堂明鏡絕垢塵絃歌三徑安
其貧佳城鬱鬱宰木新哲人御辨歸其真清風
亮節虞沈淪特書崖略鐫貞珉

沈處士墓表

嗚呼此震澤處士沈君之墓君沒於道光八年
七月初九日既卒哭孤子寶禾等以狀來告曰
先君吉葬有期矣不肖兄弟不能有所成立以
光大先君之業惟先君忠信篤敬無間於人言
恐碩德懿行湮沒無聞則不肖等罪戾益深願
公^為表墓之文以信今而傳於後世寶禾游於吾
門也久予與君有通家之誼習聞其生平行誼
辱承其請不敢辭按狀君諱洽霖字宗海號藝
圃公本名江後出為從父豹後改名邦榮既為

太學生又改今名先世出明副使啓之後祖守義父光珠皆以儒業世其家伯兄汝霖官徽州府訓導仲沾霖官寧國府訓導君其季也少孤依兩兄以成立讀書通大義遊於童子科不售輒棄科舉業有四方之志維時舅氏王公曾翼觀察西寧君往依之乾隆甲辰歲甘肅回民田五作亂薄蘭州君隨太守張公燮憑城固守晝夜弗懈時觀察王公方治戎務倚君如左右手君左橐鞬右橐筆馳馬上下峻坂如飛觀者皆心異其能賊平歸家省母橐中裝千金以補頻

年家人薪水之資不以自私也性孝友兩兄常宦游於外君主持家政無私財生子六人課以儒業長寶禾次毓秀次毓和次毓馨皆博士弟子其幼者毓椿毓松亦業儒孫四熊師燕侯羔卿駢臣君配孫氏克勤克儉相夫教子以閑其家先卒孤子寶禾等將以道光某年月合葬於某阡爰表諸樂石以示方來

徐石軒同知墓志銘

士有經濟世所尊。在邦必達家亦聞。百務在手理不
紊。出佐大郡稱神君。歸有膏澤及榆枌。哲人既萎遺
愛存。左林右泉安土敦。積善餘慶貽子孫。誰歟為券
視此文。

十一郎壙志

亡兒季常余之第四子也。寒門寡丁男。男女相伯仲。故呼兒為十一郎。兒生而慧。且愿。甫能行。即暱就余。讀書不異中人。而於諸技術無所不解。畫山水楚楚有致。戲為篆刻。奏刀自然合度。學鼓琴三日而成良宵引一曲。然凡事得其大槩即止。不肯竟學。其於音律殆天授。不學而能。五歲時隨余僑居秦淮上。聞水舫笛聲。即辨為何曲。稍長。於管弦諸器。著手成聲。性好佛。孩提時遇佛即拜。舟行見岸上紅牆。即拱揖致敬。此例。處。趺坐作禪定狀。不與羣兒狎。道逢貧乏人。

必曰。一錢物入廟必以所有布施。有物必讓其兄。雖所愛物。他兒奪之。或壞之。無幾微愠色。有紹興徐與幼保抱之。與病兒旦夕視之。死而哭之哀。其天性淳厚如此。年十六。忽得咯血疾。時止時發。次年冬。遂劇。謂其母曰。兒病且不起。此天数。母勿悲也。卧床三日。合掌而逝。時道光三年十一月初五日也。夫世人父子緣盡則散。此亦事理之常。惟是兒至性過人。方冀其成立。終事余。乃不壽而夭。有不能忘情者。吾聞佛氏有三世輪迴之說。此子大率自僧伽中來。於世緣不深。故不婚不宦而去。今葬於余生壙之側。死而有

知庶幾魂魄常相聚云。

葛尚虞哀詞

僕生二十有七年矣。新舊雨未嘗有所零落。不知傷逝感舊為何情。今年而葛生尚虞死。尚虞年齊於僕。蹤跡暱。遭其喪。有不勝情者。尚虞幼懷貞敏。三十無聞。母早喪。取婦不期年而死。無所出。及其歿也。一弟尚幼。族無可為其後者。嗟乎。遇之窮。孰有如斯人者乎。尚虞之死。以瘵疾。其疾也。毀於母喪。則貞疾也。貞疾而死。死亦不恨。所恨抱個儻過人之才。而賣志焉。以歿。搢紳不能舉其名。史乘不能存其行。有足悲爾。爰以詞以抒余哀。其詞曰。

僕也。而師交兮。今七易其星霜。衆皆鸞翔而鳳翥。兮。君則棲乎枳棘。而徬徨嗟爾師。亦我師兮。胡為折節。而交我喜。問途於羣雅兮。恥妖蕪與鬼賀。比肩人之嬋娟兮。宛璧月而瓊枝。香先埋而鬱鬱兮。玉後葬而遲遲。嗟乎後之無人兮。雖有書而誰讀。豈修文之有名兮。注姓名於丹錄。菖蒲綠而榴紅兮。披素幃其無人。人如玉而不可睹兮。余唯薦生芻於墓門。

顧竹坡誄

夫何少微之星隕兮。又武擔之山折。嗟老成人之雕謝兮。當龍蛇之運厄。椿蔭倏其摧殘兮。鴉音悲而嗚咽。瞻總障之虛懸兮。對鼎饜之空設。稽先生之世系兮。從韋顧以發源。秉英姿於紫宙兮。承華胄於黃門。守詩書之彝訓兮。誦貞孝之清芬。追長風於先哲兮。遺餘慶於後昆。初筮仕於神州兮。贊經綸於大府。旋縮符於吳越兮。克追蹤於卓魯。萬物被其仁風兮。百穀仰其膏雨。景之桂冠兮。淵明之解組。循聲著於

仕略 人望表於州郡守故家之遺籍兮新先
人之敝廬捐圭田以濯族兮築高閣以藏書集
名賢之遺像兮稽古人而與居胡昊天之不弔
兮嗟哲人之長逝乘白雲而遄歸兮厭紅塵而
永棄幸盛德之在人兮貽令名以垂世羌援毫
以摘辭兮尚臨風以揮淚

祭彭鏡濶學士文

嗚呼嗟先生之不祿兮倏御辨而冲行星戴筐而芒
掩兮牀撤瑟而塵生踐燃犀之妖夢兮感棲鵬之哀
鳴泣雍門之琴調兮憺山陽之笛聲變華屋為山邱
兮古人於此心驚矧枌榆之共社兮又黻佩之同榮
老成人其凋謝兮敢太上而忘情維先生之誕降兮
孕扶輿之靈淑抱冰雪之異姿兮纘金貂之文服誦
清芬於祖考兮馳令譽於邦族承德門而代興兮藏
賜書而能讀鳳翩翩其奮霄兮鴻衍衍其漸陸步金
闈工 玉 兮 祇 雖 雖 而 肅 肅 既 委 蛇 於 廊 廟 兮 尚

沈研 考 西晨鳴珂於秘省兮夕燃藜於天祿秉文
學以侍從兮被

聖明之知遇職編摩於三館兮掌蒐羅於四庫備
九重之顧問兮嫻一朝之掌故日在

帝之左右兮維起居之是注壽盛德於竹素兮宣休
聲於韶護持玉衡以相士兮歷中外而迴翔入分校
於秩宗兮出主文於晉陽茅連茹而征吉兮珠啓櫝
而騰光被公門之雨化兮欣桃李之同芳繼家學之
淵源兮有亢宗之令子蚤搴芳於桂苑兮旋養真於
梓里曾惠政之一行兮尚循聲之四起如先生之醇

懿兮宜坐享夫遐齡作朝士之矜式兮示國人之典
型胡彼蒼之不吊兮且我佛之無靈悲梁木之已壞
兮歎薤露之先零豈令威之化鶴兮抑傳說之列星
吳江迢遙而長逝兮燕雲悽愴而暫停展孫沒而未
誄兮郭子逝而將銘聊薄陳夫絮酒兮庶少駐夫靈
輶嗚呼哀哉尚饗

祭張耐舫太守文

嗚呼我公斯人典型風裁竹柏政教冰衡朝常志績
輿誦騰聲百行是備五福斯膺何圖瞬息遽反杳冥
騎箕北陸乘鯉南溟維公世家韋平閎閱枕藉六經
金貂七葉家有官箴門多儒術圭臬州閭羽儀王國
公之始生文端在朝祥符麟定慶衍椒聊嘉名聲錫
德音孔昭孫謀既遠祖武非遙尊甫為郎公從于郎
循陔賦詩趨庭問禮鶚薦已榮鵬飛又止勵志桑蓬
縈情菽水公之筮仕黻軼遂平吏畏而服民懷而寧
訟

匡扉草土峯山比峻伊水同清公在山東

課曰 公在湖。日移荆楚。為剡書屏。專城開府。
性廉而貧。道亨而阻。衆慶彈冠。我思解組。萬里奔馳。
六年羈旅。公之居官。曰忠曰誠。不徵小效。不務近名。
案無留牘。室有鳴琴。淵魚匪察。風草何爭。公之居家。
曰孝曰友。諸父諸兄。怡怡相守。蘭玉後先。壘麓左右。
積厚流光。克昌其後。公之歸也。嘯傲林泉。讀書飲酒。
以樂餘年。一門鼎貴。三鳳齊騫。次君九傑。弁冕木天。
蒙等都門。獲交仲子。世德餘慶。門才濟美。公之光儀。
不遠伊邇。高山景行。今則已矣。公之令德。文翁有祠。
公之惠政。羊公有碑。岷峨鍾毓。江漢謳思。銘旌著誄。

靈兮有知。

祭楊荔裳方伯文

嗟昊天之不弔兮。驚哲人之已萎。慈雲倏其散彩兮。
卿月闇其韜輝。感哀音於栖鵬兮。踐妖夢於燃犀。傳
說騎箕而上升兮。令威化鶴而來歸。惟我公之生初
兮。稟彼蒼之清淑。三鳳騫其聯翩兮。九龍蔚乎鍾毓。
騰妙譽於雞碑兮。濬靈思於鼠獄。羌出類而拔萃兮。
信離羣而立獨。初筮仕以立
朝兮。當弱冠之妙年。耀鳳毛於池上兮。覲龍光於日
邊。窮書倉於四庫兮。探學海於百川。入黃扉以視草
兮。題箋
廷之密勿兮。銜

天

旦知

帝心之簡在方卜

皇路之蜚遷考西招之幅幘方去中國其萬里循宗
乘而轉輪方合衛藏以同軌忽廓夷之不靖方休班
禪之將毀

帝命將以出師方公請纓以出塞磨盾鼻以飛書方
掃旄頭以奏凱迺策勛而飲至方爰論功而賞行分
觸豸於外臺方載交龍於前旌旋聞三苗之作孽方
又命六師以遄征維公贊襄於幕府方實展鞞畧於平

生冒行間之矢石方運胸中之甲兵舞羽干而奏績
方書旂常而策名歷柏臺而薇省方移蘭州而錦城
名棠留蔭而勿翦方郟黍待澤而增榮嗟蜀道如青
天方憫潢池之赤子紛弄兵以歷年方尚負嶠而不
知止將帥仗鉞以專征方士卒枕戈而忘死伊士飽
而馬騰方惟我公為之綱紀撫益州之四徼方古人
謂之天府沃野衍其千里方煙火聚以萬戶嗟連年
之兵燹方警軍符之旁午幸田穀之順成方慶閭閻
之保聚孰救災而恤難方惟我公為之鎮撫念我公
之十

熙和 采考我 學行兮。洵清時之圭璋。果修
德者。獲報兮。宜積善而餘慶。何梁木之忽壞兮。悵人
琴之頓亡。大星已隕而成石兮。蕞蘭方茂而經霜。寮
窠望之而悽愴兮。道路聞之而淋浪。某等備員於斯
土兮。仰典型而矜式。悲莊生之藏壑兮。痛榮公之撒
瑟。薦明德於椒觴兮。銘幽光於文石。陳蕪詞以大招
兮。庶靈輶其來格。

王揚甫祭文

嗟先生之不祿兮。念風流以雨絕。瞻少微之星隕兮。
驚武擔之山折。彼松柏之後彫兮。每餘榮於晚節。胡
哲人之易萎兮。悲琴瑟之遽撤。維先生之誕降兮。鍾
吳會之英靈。承朱紱之十葉兮。抱青箱之一經。幼岐
疑而特立兮。聞詩禮而趨庭。聽祖考之彝訓兮。慕儒
先之典型。羌修學而好古兮。早蜚聲於庠序。當風簷
之文戟兮。每袞然而首舉。守菑畬之經訓兮。蘊珪璋
之文府。恭逢

先白

進兮拜

之黼黻春秋三十而自立兮

將

衢東

之初志兮乃言邁於

皇都公卿聞而願交兮惠心卜其有孚游朱門如蓬
戶兮常逍遙以自娛載奏賦於長楊兮幸

天顏之有喜闡石渠之博誨兮識菰蘆之佳士旋授
經於宮學兮直金門以三祀爰聚勞而秉鐸兮監吳
淞之煙水登廟堂而習禮兮懷飛鷄之好音示文章
之軌範兮留教澤於士林忽奉諱而言歸兮遂解組
而抽簪仰屋梁而著書兮獨抱膝而長吟幸吾儕之
同井兮常欽遲而接武步壽陵之後塵兮話草堂之
今雨聆珠玉之馨歎兮縱談今而論古仰文陣之雄

師兮推駮壇之盟主胡昊天之不弔兮悼梁木之忽
摧愴玉樓之倏召兮惜寶樹之長薶聽山陽之夜笛
兮感不絕於中懷薦芳蔬而奠絮酒兮靈彷彿其若
來

祭封太翁文

嗚呼胡彼蒼之不吊兮。喪我老成人之典型。悲梁木
之忽壞兮。嘆薤露之先零。榮撤瑟而御辨兮。傳騎箕
而通靈。將命巫咸以大招兮。疇能索乎窈冥。惟我公
之誕降兮。稟扶輿之靈淑。承七葉之清芬兮。履一門
之嘉福。幼束髮而受書兮。早浸淫乎卷軸。窮理學於
三魚兮。折經師于五鹿。乍蜚聲于黌序兮。乃久困于
棘屋。珠含采而藏淵兮。玉韜光而韞積。思歲月之不
我與兮。思羽翼于

皇如

而求之

奮青雲而干霄。滋益恭於三

命也。

於六甲

其寶而未試也。亦令德之孔

昭。踐燃犀之妖夢也。身化鶴之悲謠。植丹旒而飄風
兮。啓總幃而延月。嗟白馬與素車兮。望鄉關而將
幸德門之有子也。繼貽謀於簪笏。集四方之雕轂也。
振三公之華閭。嗟易名之有典也。試臚陳其懿行。少
承歡於二人也。稟肫肫之至性。聯棣鄂而友于也。示
儀型于子姓。桑梓矢其敬恭也。車笠堅其誓盟。嘗解
衣而推食也。不出家而為政。創育嬰之盛舉也。襄大
府之成命。當事倚公如左右手也。曾造廬而聘請。審
我公之生平也。卜積善之餘慶。蒙側聆夫碩行也。又
望見乎輝光。卜于門之將大也。識王氏之寢昌。愧我
言之無文也。若管窺而蠡量。發悲音於蒿里也。申微
敬於椒芳。

祭征白蓮教陣亡將士文

嗚呼。丈夫能執干戈。皆為社稷之衛。君子每聽鞀鼓。常思將帥之臣。是故列爵武功。以忘身為義。死綏壯士。與克敵同功。恭惟某官等。束髮從軍。請纓赴敵。奮桓桓之士氣。飭暨暨之戎容。執戈者先驅。真見殺人如草。守陣者皆哭。誓不與賊俱生。所期畫象雲臺。銘功岑鼎。貂蟬廁乎朝列。帶礪及於苗裔。然而將出。凶門捐軀已久。戰稱危事。完體為難。或遁甲開山。冒孤虛之禁忌。或龍頭天。失形勝之機宜。或櫛風沐雨。而疝。而夷傷衆。或飛書盾鼻。而援。

二 環甲

而夷傷衆。或飛書盾鼻。而援。

救。可米牙。搜牢路絕於是三呼蒼兕空。懷敵愾之心。一夢黃虜竟作國殤之鬼。某官當守土。時遇治兵。曾參帷幄之謀。久習馳驅之事。今者六師振旅。四野銷兵。先軫歸元而如生。真卿遺髮而能動。大星久竇。徒存考叔之螯。孤廢壘全荒。尚飼房公之戰馬。恐游魂變幻而厲鬼無歸。惟佛力懺除而孽風可熄。爰設無遮之會。俾昇有道之天。從此刀兵水火。萬劫全消。猿鶴蟲沙。三塗永脫。史官載筆。特書烈士之姓名。祭法旌忠。同列賢人之俎豆。嗚呼哀哉。伏惟尚饗。

威勤公事略

公諱勒保。姓費莫氏。滿洲鑲紅旗人。祖某。父溫福。及公三世皆官。

武英殿太學士。公生而智慧絕人。少多病。十二歲始就外塾讀書。公十七。經義已通。應乾隆丙子科順天鄉試。不中。改習清文。考中筆帖式。補中書科文忠公傅恆賞其才。挑入軍機處行走。升歸化城同知。權絳州事。時溫公出師金川。歿於木果木之難。公丁父艱。回旗。補兵部主事。升員外。書福隆。何如左右手。兼掌四司印。

鑰

機章京

丁酉京察一等太學高

晉方總督兩江入覲覩公在軍機處言事明辨詢知姓名請於

上遂簡授安徽廬鳳道己亥在任丁母憂高公奏請留公在江蘇辦理庚子

南巡大差奉

硃批何必開此例可用處尚有耳公遂由水路扶柩回京行至山東於舟次接奉

廷寄因俄羅斯方開市授公為庫倫辦事大臣諭令不必赴

行在請訓逕至京向留京大臣阿桂問明開市事宜即行赴任並因公有代繳溫公官項未清命授以銀庫郎中於應得養廉內每年坐扣銀二千兩呈繳歸官餘銀三千兩留為當差之用公至庫倫經理一切邊務悉合機宜遷太常寺

卿

賞戴花翎凡在庫倫八年商夷悅服其地無廨宇公教蒙古匠人斲木造屋以代穹廬埴土為炕燃以薪由內地鳴鴨卵雞卵就熱炕伏之生

雛

瓦饌又

柳枝為筐實以土投水而

之

而烘之

明芽長發由是有蔬菜其

地水中多魚蒙古人不解捕公令家人結網以漁煇人乃給於鮮蓋公自知為

上所任故為此久安之計也丁酉

上授公為兵部侍郎纔一年簡授山西巡撫又一年升署陝甘總督公在甘肅十年時甘省兩經回人之變又以監糧之後之後官民交困公到任後體察衆情休養而安息之吏治民生漸有起色然邊境土瘠民貧陝甘二省歲賦積逋至四百萬公於甲寅歲入覲請於

上而除之其回任兩省白叟黃童迎於道中千里不絕六十年奉

旨赴楚南苗疆協辦軍務嘉慶元年調雲貴總督勦捕黑未竣事事移師勦貴州小竹山教匪又移師勦湖北黃柏山教匪二年貴州狝苗韋七綰須謀娶苗女王囊仙煽播妖言糾衆滋事據關嶺普坪為門戶擾及南籠

上命公率師往勦公至即解南籠之圍而關嶺地極險峻兩山夾峙其上苗寨林立中通一線之

上所謂

當關萬夫莫開者也公

欲佳 長常昨 人心之說遣人往諭之苗
人不受撫且肆嫚言公不知也有守備田朝貴
以其事聞於公公遂檄翼長進兵翼長持不可
公怒曰微翼長吾豈不用兵乎立傳號令點集
兵下定於八月十五夜發兵是夕天大雨如注
將士袴褶皆濕公心方懊惱豈知苗人以中秋
佳節且雨不設備官兵入關嶺若無人焉者兵
既出險天大霽萬里無雲月明如晝公大喜督
兵如牆而進圍洞洒賊巢鎗礮並發苗人始驚
覺請降公斥曰早不降今兵已合圍乃欲降不

可信也公坐坡上督兵四面環而攻之擲火彈
焚其寨寨中火起哭聲震天王囊仙毀柵竄出
總兵永寧生擒之并於當文賊巢搜得七絡須
解京正法

上嘉公之功封一等威勤侯別有巴林苗人王
抱羊與王囊仙同叛公又移兵殲除之狝苗平
公赴雲南總督任其時川楚白蓮教妖人作亂
陝甘總督宜綿統兵勦之日久不能平

上命公代宜綿總統軍務公遂入蜀尋調四川
總督 教匪共 一號賊首四十餘人彼此

不劫

四路焚

受延四川陝西甘肅湖北

河南五省公至蜀申明節制痛飭軍營積弊將
并知警漸有奮勇出力者王三槐者東鄉白號
之賊也與同號賊冷一祿盤踞安樂坪有貢生
劉星渠與三槐素識東鄉令劉清令星渠招撫
之三槐偕星渠詣大營請降公諭令呈繳鎗炮
器械并將賊衆花名造冊呈覽以憑遣散安插
三槐雖受撫而冷天祿不從往返再三迄無成
說公慮其反覆遂執三槐解京
上嘉公之功晉封一等威勤公時嘉慶三年八

月事也四年春

睿皇帝親政授公經略大臣總統五省軍務公
受

命駐劄達州居中調度有副都統福寧者在達
州辦理糧餉其人往時曾任甘肅布政使與公
積有嫌隙是時蜚語入告

上震怒以威勇侯額登保代公為經略吏部
尚書魁倫為四川總督將公逮治問罪魁倫遂
坐公失機擬斬請卹在成都正法

上以

不至此

命

邱公既

而蜀中軍務無主賊乘

間復熾額侯與魁不相能是冬額在南江勦賊失利寄信與魁索餉魁謂川北路梗不能通必先肅清運道然後可往額於是大愠謂陝省賊情緊急遂悉統精銳之師過陝而以老弱四千人付魁接辦川中殘匪魁不察賊勢輕重於五年元日接受其事遽領兵欲行有侍衛春寧方在達城養傷謂魁曰此等疲兵如何殺賊往即潰矣魁始有懼心因在達州城外十五里之雷音舖駐師十三日檄調總兵朱射斗之兵

為前敵及朱至於正月十四日啟行而賊已於是日由定遠石坂沱偷渡嘉陵江擾及川西矣朱射斗追賊及之於蓬溪乘夜進兵陷入賊中後隊提督百祥不及援朱遂陣亡魁本不能軍及朱亡益失所倚遂退守潼川河潼川縣亘千餘里兵分見單不能守賊至南充欲渡無船射洪縣之太和鎮臨河南充遙遙相望維時射洪令符元魁方禁渡劉清於時已升道員帶領鄉勇五百人至下防守南充難民呼號求渡川南充閘以放江船三十號接引過

河一 匪混跡 中是夜即在太和鎮放火
殺人此地居人未幾火猝聞賊至驚竄四散
賊遂全夥渡河矣其守渡河之賊共有四股通
江藍號冉添元達州 號徐添得太平黃號徐
萬富奉節綠號陳得俸襄陽黃號樊人傑雷士
旺等擁衆數萬人川西州縣皆被焚掠直擾至
金堂成都戒嚴事聞上始知公前此治戎無悞
遂釋其罪賞給藍翎侍衛仍命赴蜀督師時川
中已經叅贊將軍德楞泰於馬蹄岡將冉添元
臨陳生擒餘匪仍回川北公至撫輯被賊州縣

分設兵勇防守嘉陵江川西南由此無事公再
至川後兩年中歷署提督將軍最後實授總督
而事權始歸於一其閒漸加四品三品二品頂
帶至六年冬公督兵於川北盧家灣生擒賊首
冉學勝然後復一品頂帶封男爵世襲徐添得
者蜀中倡亂之賊也六年秋閒叅贊德楞泰在
湖北殲其弟徐添眷 以為添得遂入告并傳
首達州舖亭舖起事 乃梟示七年春總兵田
朝貴生擒徐添得 大營訊實無訛公曰叅
贊 賊尚 於虛天下人聞之必以為

口實 月傷國 乃將其人凌遲處死而不
以入奏由是額德 皆以公為識大體不與
人爭勝從此一切和 集事矣八年賊平凱旋
旋公在蜀十三年其 有知縣某耽酒廢事公
叅革委員接替某匿印不與公怒而遣武弁往
執之又省城錦江書院肄業生員有聚賭者公
至院課諸生知其事當時斥其人加以杖責又
資州小試童生罷考公查出為首者置諸法於
是相傳公細知縣打秀才殺童生造成蜀都賦
一篇傳聞入京

上欽差大臣往詢皆有其事而未嘗枉法也
上不之罪尋召為尚書晉大學士因事革去十
六春簡任兩江總督秋
內召仍授

武英殿太學士總理吏部未幾公以兩目失明
致仕年八十而卒卒之日口授遺疏及處分家
事畢衣冠至中堂告 子曰吾將以今日午時
長往及午奄然而逝 在蜀戎幕日夕侍公得
公生平最悉公於

國中 信而未 以纖悉具備故序其事略

如此

丁孫有

乃焉

餘杭縣張君事狀

君諱吉安字迪民號蒔塘吳縣人祖鵬乾隆壬申

恩科舉人不樂仕進以名孝廉教授里中一時名士皆出其門學者稱為楚門先生考王茂讀書勵行不治生產家以中落君少穎悟紹承家學早工科舉之業工書善書年十七即游京師時嚴愛亭陳永齋三方在詞館皆楚門先生門下士君因從以故學問文章皆有根源乾

乾隆

年順天

座主為梁文定公阿文

恪八

為涪州

不屏先生時君年方十九

識者皆以大器期

試屢荐不售久客都下

藉館穀以自給乙

北分發浙江以知縣用

君以家貧親老急之

養遂之官時秦小覲司

寇方觀察浙西與君素不相識一見獨器君游

揚於大府之前為他年循吏儒林必兩兼之以

是每遇劇邑需才必首及君而君輒辭勿就上

臺亦勿之強也是時浙中清查倉庫方重彌補

同官往往以此見長君嘗力言於大吏之前謂

清查既核有確數已可杜其續虧當此大法小

廉宜與民休養生息為急務此無形之彌補實

有益於治道如以彌補多寡為優劣恐風氣所

趨必人人以培克為事非為國保民之道上官

雖聽其言而亦不能用也嘉慶丁巳署篆淳安

明海忠介曾宰是邑君喜筮仕之初幸得前賢

舊治下車日首謁忠介祠賦詩見志其為政也

不沽名不喜事與之安而事無不舉是秋調

署象山地瀕大海強悍時海氛未靖閩浙

舟師連檣寄楫於屬之石浦地方君迺力懲

海濱之俗終之任邑人無通盜濟匪之

事九

手獲盜

少縣勘訊不數月多至二

十餘案犯衆至數

君一一親鞫無枉無縱

盜亦漸弭其年風

未請緩秋賦以蘇民困

尋以遣犯脫逃鑄

未復原官即攝新城篆

時方治漕累民之病悉除之民皆稱便雖在任

不久受替而其民至今尚有去思康春申移任

永康甫三月蛟水陡發田廬蕩析死者相枕藉

同時被灾有二十餘縣之多永康適當下游灾

最重向例勘詳待報始給撫卹君不拘成例先

為之設廠棲流煮粥收養棹小舟多載餅餌以

食就人全活甚衆撈浮屍厝義阡人以不遵成

例恐致賠累為慮君則以救民為急不暇計也

躬履危險寢食俱廢浙中前此偶有偏灾不過

撫卹蠲緩從未有給賑之事觀察某公臨縣執

水荒一線之說民情洶洶不安賴君平時信於

民一言而解其時浙撫阮芸臺先生素重君為

心親履灾區分別一如君議民心始安於

是掩埋有資修房墾田有本籽種有糧賑

卹並行不濫不潰可應賑戶口銀米數目榜

示以本胥欺之弊是役也自夏徂冬

心六 遂得明 之疾及瓜代有期大府慮
新令與民未習仍 石一手經理賑務至次年
三月展賑事竣始 旋省去之日百姓攀轅
卧轍填塞道焚香 祝者至離縣數十里不
絕有泣下者是年夏處郡大旱麗水尤甚大府
以君素為士民悅服遂委攝麗水下車之日步
禱於神甘雨大沛秋獲豐收民安其業緩於催
科勤於撫字賦無缺額百廢俱興其間創建文
昌宮修葺秦淮海祠衆情踴躍民忘其勞壬戌
夏久旱不雨地處萬山之中無水可引秋禾將

稿聞永嘉貢生童君有禱雨之術專价往迎之
君如素虔禱憂形於色童謂旱象已成惟君愛
民若是宜可感召禱不三日大雨沾足轉歉為
豐麗邑萬山環抱土瘠民貧官斯土者戚戚如
遷謫而君獨喜其人情淳樸政有餘閒故宦遊
之作惟在麗邑為多癸亥春改署浦江時浦邑
連被水旱君力任 之事運米浙西減價平
糶凡不逞之徒藉 系良民者嚴繩之災黎
無告者恩撫之不 二麥有收四境帖然人
咸以 實 以感召天和也是冬補授

餘六

沉去本

君養親官舍極天倫之

樂縣俗健訟君曰

皇自辰及暮開心見誠

隨事化導懲其訟

八不數月威信大彰積

牘一清教士養民

且備修河堤以護農田

葺學校以興文教廣延名宿編緝邑志表彰節

烈以勵風俗甲子夏雨損禾設厰平糶乙丑春

雨為灾分鄉煮賑濟貧保富邑人大康縣境多

山民藉竹筍之利每有盜掘者民甚苦之君設

法禁絕邑多名跡次第修復接引士人洞悉民

隱久而訟庭若水君自題楹聯云不沽名亦不

顧名斯言宜佩無廢事亦無喜事我職當脩可

以見君之為政矣有時因公赴鄉不攜僕從乘

山輿坐僧房蔬食布被君自忘其為官民亦忘

其為官也甲子丁卯兩為浙闈同考官多得知

名士餘杭當天目下游萬山之水皆匯於邑之

南湖泥沙停淤湖底日淺君相度地勢方欲召

匠燒磚使泥去湖

水旱之備而其時封公

年高頓思鄉土君

已秋引疾去官奉親

歸里未竟其事民

曰之去之日士民奔走攀

戀

時昂

翁即世居喪哀毀如孺

子以

十高

山之志家居養母十有

餘年道光丁亥冬

八人以壽終君年七十白

白首搶呼哀如所

七精力頓衰戊子十二

月二十八日太夫

祥君感傷而病至正月

初三日卯時遂卒春秋七十有一君天性純孝

篤於友愛自奉儉約食無兼味一敝裘至數十

年而理所當為者雖多金不惜君宦歸卜宅盤

溪以老屋讓弟獨居周卹親族必盡其力族有

節婦皆為表揚停棺未葬為之卜地弟婦先沒

遺命為之營葬妹適吳氏貧而寡歲時饋問不

絕君清操自守餘俸無多不足以供饘粥故其

初歸卽令諸子各謀其生自廼節衣縮食以敦

任卹之誼此豈常情所能及哉歿之前一日題

詩贈淡雲和尚手書於軸筆力蒼勁不減平時

自製挽句云宿世未忘貧衲相十年有負宰官

身臨終端坐而逝神明不亂其來去了無罣礙

知其生有自來其所歸矣予與君締交五

十年熟知其生平故敘述其事以俟當世

立言者採擇焉

顧竹坡誄

夫何少微之星隕兮又武擔之山折嗟老成人
之彫謝兮當龍蛇之運阨椿陰倏其摧殘兮鶚
音悲而嗚咽當總障之虛懸兮對鼎鑊之空設
稽先生之世系兮從韋顧以發源秉英姿於紫
宙兮承華胄於黃門守詩書之彝訓兮誦貞孝
之清芬追長風於一兮遺餘慶於後昆初筮
仕於神州兮贊經入府旋綰符於吳越兮
克追蹤於卓魯菑被其仁風兮百穀仰其膏
雨菑之挂冠效淵明之解組循聲著於

仕也 至表於 守故家之遺籍兮新先
人之敝廬捐圭田 以族兮築高閣以藏書集
名賢之遺像兮稽 而與居胡昊天之不弔
兮嗟哲人之長逝 雲而遙歸兮厭紅塵而
永棄幸盛德之在人兮貽令名而垂世羌援毫
以摛辭兮尚臨風以揮淚

嘉慶八年重慶太守石韞玉書



